



## Lelok Naloxone Ilo Ien COVID-19: Melele in Kajinet ñan Kabin in Kakien, Ro rej Lelok Kōmadmōd ko Jinointata, im Armij ro ilo Lobelej

Emōj kökkāäl melele Okwōj 13, 2020

- Naloxone ej juon uno rej kōjērbal ñan jibañ jorren in emenono ko rej walok jen an lab joñan opioid. Rikōmadmōd ro jinointata, buulijmaan ro, im ro jet emōj aer kejbaroke jet taujin mour ilo aer lelok naloxone.
- Emaroñ wōr aṃ inebata kin an juon armij elab joñan an bōk uno in emaroñ wōr COVID-19 ibben. Bōtab, naloxone emaroñ kejbarok mour eo an juon armij elab an kar bōk uno eo, innem wūnin aer lelok.

**Maroñ kin Ejmour eo an Oregon (OHA) ej kile inebata kein kin an armij kebaak COVID-19. Rōjañ ko ñan kejbarok ilo aṃ lelok naloxone ekoba:**

- **Lelok naloxone:** Emaroñ kejbarok aṃ lelok naloxone elañe kwōjab kebaake ñe ejjelok wūnin. Ijoko lolaben for Kejbaroke im Bōbrae Nañinmij ko ej kōmelele kebaak nañinmij in ej bed iturin 15 minit im kebaak rinañinmij eo kin 6 ne. Ej bōk wōt jekōn in lelok naloxone.
- **Lelok intranasal naloxone:** Intranasal naloxone rej lelok ñan iloan botin armij. Ñan jibañ kadiklok uwōta in kajeded COVID-19, elañe kwōnaj kōjērbal naloxone-ilo-boti ñan juon armij kwōj lōmnak elab an kar bōk opioid kwōj aiku j kōjērbal:
  - Tebukro in bā, im
  - Kein kejbarok iturin mejem (einwōt kein kalbubu mā j rot ko an jikin taktō).
- **Intramuscular naloxone:** Intramuscular naloxone ediklok uwōta ñan kebaak COVID-19 jen wewein eo ilo boti. Intramuscular naloxone ej itok ilo ruo wewein ko:
  - Juon wā ebidodo kōjērbale, ak
  - Juon wā ej kaju im ej lewaj kōmelele ko ilo kenono.

Kwōj aiku j kadeloñ naloxone eo an intramuscular ñan majel eo lotōñan neen. Lotōñā elablok an ettolok jen botin im loñin, innem uwōta eo ñan aṃ bōk COVID-19 ediklok jen intranasal naloxone. OHA ej rōjañ aṃ kōjērbal tebukro ilo ien aṃ lelok wā.

Intramuscular naloxone ej jino jērbal ruo ñan lalem minit ālikin wā. Kwōnaj bōlen aiku j āliji joñan wā eo ñe ejjelok oktak ibben armij eo ālikin elōñ minit ko.

## Lōmnak ko jet

- OHA ej rōjañ kōjerbal kein ekōnak ko ñan an kejbarok er make (PPE) ilo jabdewōt ien an armij kebaak doon. Bōtab, an jab kōmadmōd lab in an juon armij kar bōk opioid ekkā an jemlok kin mij. Elañe kwe armij eo jinointata ñan lelok kōmadmōd ilo jikin eo, ekkā aṃ armij eo āliktata ilo jemlok in mij eo.
- Elab rōjañ lelok jibañ in emenono elañe armij eo kwōj jibañe ej armij in kapijukunen eo aṃ ak uwaan baamle eo aṃ.
- Rilelok jibañ ak armij ro iturin rej aikuḡ kaju im kūrlok 911. Eaurōk jibañ idiñ taktō kinke armij ro ilobelej ekkā remaroñ jab wōr naloxone ibbeir ñan aer lelok elōñ joñan ko, ak armij eo elab emaroñ kar lab an bōk uno ko jet rekajur im ejab opioid.
- Ilo ien eo armij eo enaj mour jen an kar lab an bōk uno, armij eo ear lelok jibañ aikuḡ emakūt jen iturin armij eo ñan an jab kebaak nañinmij eo elañe ejidimkij an armij eo bokbok ak kenono, im ekkā an walok ilo ien jibañ ñan armij ro rar jorren kin an lab uno iloan enbwinnier.
- OHA ej kile ke aoleben mennin naloxone ko remaroñ jab wōr ilo jet jikin ko. Kein jipañ ko an bukōn remman ñan katak kin ia ewōr naloxone ekoba:
  - Ra in ejmour ko ilo county
  - Jikin kadiklok jorren (einwōt ajej in nitōl ko), im
  - Obij ko jet an social service.

Naloxone ebar wōr ilo pharmacy ko ibelakin state eo ilo aṃ jab aikuḡ juon beba jen taktō.

- Kim ej rōjañ kōjerbal PPE jekdon wewein rot naloxone eo kwōnaj kōjerbale. Bōtab, elañe kwōj uwaan juon kapijukunen ak kwar kebaak juon armij ejorren kin an lab uno enbwinnin, kwōjab aikuḡ ekōnak PPE; ejab lablok uwōta jen aṃ bōk COVID-19 ilo aṃ lelok naloxone.
- Jorren in COVID-19 im Emōj an jelōte lal in ear bōktok lōmnak in ejmour ko reaurōk, bōtab armij ro ewōr aer jorren jen uno ko rekajur rej aikuḡ wōt jibañ. Jorren jen uno ko rekajur im jorren jen an lab uno iloan enbwin emaroñ wōr mij elañe ejellok renaj jelmae.
- Kōtōbar eo an OHA ej jibañ kwe lale wewein aṃ maroñ kejbarok ilo an lelok jibañ ñan ro reorren jen an lab opioid iloan enbwinnier. Jorren jen uno ko rekajur ej jelōt elōñ armij in Oregon. Jej aikuḡ wōnmaanlok in lelok naloxone ilo an lablok aikuḡ ko ilo eja ien eo im jej kadiklok uwōta in kajeded COVID-19.

Ñan kalōñlok melele ko kin bōbrae jorren in an lab uno iloan enbwin, jouj im lale [beij eo an OHA kin Bōd in Kōjerbal im Lab Opioid Iloan Enbwin](#).

**An Maroñ Loe Beba in:** Ñan armij ro im elōñ aer utamwe ak armij ro im rejelā juon kajin ejab Kajin Belle, OHA emaroñ lelok melele ko ilo wewein ko jet einwōt ukok ko, jeje kilep, ak braille. Kebaak Mavel Morales ilo 1-844-882-7889, 711 TTY ak [OHA.ADAModifications@dhsosha.state.or.us](mailto:OHA.ADAModifications@dhsosha.state.or.us).